

USLOVI ZA OSIGURANJE OBJEKATA U MONTAŽI



DA BI BILO
JASNIJE



BITNA
DOKUMENTA



SKREĆEMO
VAM PAŽNJU



POSEBNO
VAŽNO



OSIGURANA
SUMA PREMIJA



Predmet osiguranja, mjesto osiguranja i osigurani interes

Član 1

- (1) Predmet osiguranja po ovim Uslovima mogu biti:
 - 1) metalne konstrukcije sa mašinskom i elektro opremom ili bez nje;
 - 2) mašine, mašinska i elektro oprema, instalacije i aparati. Osigurana su i postolja i temelji, ako je njihova vrijednost sadržana u vrijednosti mašina, mašinske i elektro opreme, instalacija i aparata, a ukoliko nije, posebno se ugovara osiguranje postolja i temelja;
 - 3) montažna oprema i pomoćni objekti koji služe za montažu, i to: skele (koje su u cjelosti obuhvaćene u predračunskoj sumi objekta u montaži), pomoćne zgrade, barake (drvene ili zidane za skladišta), radionice, menze, osim montažnih baraka i drugih objekata koji čine osnovna, odnosno obrtna sredstva izvođača radova.
- (2) Ako se posebno ugovori i ako se obračuna posebna premija, osiguranjem se mogu obuhvatiti:
 - 1) već postojeći objekti na kojima se obavlja montaža, popravka, sanacija, remont i sl.;
 - 2) pomoćni materijal i alat za izvođenje montaže u upotrebi;
 - 3) montažna oprema i pomoćni objekti koji služe za montažu i koji uopšte nisu u cjelini obuhvaćeni u predračunskoj sumi objekta u montaži;
 - 4) stacionirana (usidrena) plovna vozila, čamci, splavovi, pontoni na vodi i stvari na njima u vrijeme montaže na vodi i obali;
 - 5) stvari radnika.
- (3) Po ovim Uslovima nisu predmet osiguranja:
 - 1) nestacionirana (neusidrena) plovna vozila (čamci, splavovi, pontoni, tegljači) i stvari na njima, motorna vozila i prikolice na suvom, samohodne mašine, vazdušne letjelice;
 - 2) stvari u prevozu izvan mjesta montaže;
 - 3) novac i vrijednosni papiri, poslovno-tehnička dokumentacija, uključujući i knjigu montaže;
 - 4) osnovna sredstva organizacije koja obavlja montažu; inventar kancelarija, radničkih menzi i radničkih stanova; alat i potrošni materijal menzi i radničkih stanova kao i sl. stvari i obrtna sredstva, koja ne služe neposrednoj montaži osiguranog objekta.
- (4) Ne može se osigurati objekat u montaži ako na njemu nije zaposlen potreban broj kvalifikovane stručne radne snage, i čijom montažom i radovima ne rukovode i ne nadziru ih stručnjaci s potrebnim stručnim kvalifikacijama i ukoliko ne postoji dozvola za izvođenje montaže.
- (5) Osiguranik je dužan da osigura sve stvari iz stava (1) ovog člana, bez obzira na to da li ih obezbjeđuje – nabavlja izvođač radova ili investitor, čak i kad će se one djelimično isporučivati ili samo povremeno upotrebljavati, na mjestu montaže.

Osigurane opasnosti (rizici)

Član 2.

- (1) Osiguravač je obavezan da isplati naknadu u slučaju štete prouzrokovane uništenjem, oštećenjem ili nestankom osigurane stvari zbog sljedećih osnovnih opasnosti:
 - 1) požara i udara groma, eksplozije, oluje, grada, manifestacija i demonstracija, pada vazdušnih letjelica svake vrste, izlivanja vode, odronjavanja, slijeganja tla, mraza, kretanja leda, sniježne lavine, nepredviđenih atmosferskih padavina;
 - 2) udara motornog vozila, prikolice, radne mašine, pada osigurane stvari, udara ili pada drugog predmeta na (ili u) osiguranu stvar;
 - 3) nepredviđene montažne nezgode;
 - 4) nespretnosti, nehata ili zle namjere radnika ili nekog drugog lica;
 - 5) provalne krađe i obične krađe.

- (2) Ako se posebno ugovori i obračuna dodatna premija, osiguravač je obavezan isplatiti naknadu i u slučaju štete od jedne ili više dopunskih opasnosti, već prema tome kako se ugovori i to:
- 1) od poplave i bujice, podzemne i visoke vode;
 - 2) zemljotresa;
 - 3) odgovornosti izvođača montažnih radova za štete prouzrokovane trećim licima;
 - 4) ugovorne odgovornosti izvođača montažnih radova u garantnom roku.
- Osigurane su samo opasnosti, koje su navedene u polisi i za koje je obračunata dodatna premija.
- (3) Osiguravač je obavezan da isplati naknadu u slučaju štete i na građevinskom djelu, koji se gradi isključivo za potrebe objekata u montaži, a njegova je vrijednost u cjelini obuhvaćena predračunskom sumom objekata u montaži. Štete na građevinskom djelu pokrivene su prema obimu opasnosti iz Uslova za osiguranje objekata u izgradnji.
- (4) Osiguravač je takođe obavezan da isplati:
- 1) naknadu u slučaju štete od uništenja ili oštećenja osigurane stvari nastale pri gašenju požara, rušenju ili iznošenju, ukazivanju pomoći ili spasavanju zbog nastalog osiguranog slučaja;
 - 2) troškovi za raščišćavanje i rušenje u vezi sa nastalim osiguranim slučajem na osiguranoj stvari na način predviđen u članu 29. ovih Uslova;
 - 3) troškove koje je osiguranik imao kada je osigurani slučaj nastao na osiguranoj stvari za preduzete mjere radi otklanjanja i smanjenja štete u visini određenoj prema članu 29. ovih Uslova.
- (5) Osiguravač nije obavezan da nadoknadi:
- 1) štetu iz osnova ugovorne kazne;
 - 2) posebno prouzrokovanu štetu nastankom osiguranog slučaja, kao: gubitak zarade, dangubu, gubitak zbog obustave rada, umanjenu mogućnost upotrebe i druge slične gubitke zbog nastanka osiguranog slučaja,
 - 3) štete za koje po zakonskim propisima ili po ugovoru odgovara proizvođač, odnosno isporučilac stvari. Ako proizvođač, odnosno isporučilac osporava odgovornost, a šteta je prouzrokovana zbog greške u tehničko-računskoj kalkulaciji, greške u materijalu, konstrukciji, livenju i sl. (proizvodne greške), osiguravač će nadoknaditi štetu osiguraniku, odnosno ugovaraču osiguranja, a potom će stupiti do iznosa isplaćene naknade u sva prava osiguranika, odnosno ugovarača osiguranja prema proizvođaču, odnosno isporučiocu.



Obim opasnosti požara i udara groma

Član 3.

- (1) Požarom, u smislu ovih Uslova, smatra se vatra nastala izvan određenog ognjišta ili vatra koja je ovo mjesto napustila i sposobna je da se dalje razvija svojom sopstvenom snagom.
- (2) Osiguranjem od požara obuhvaćen je i rizik samozapaljenja zaliha, ako je uskladištenje izvršeno po propisima.
- (3) Ne smatra se da je nastupio požar i osiguravač nije u obavezi da plati naknadu ako je osigurana stvar uništena ili oštećena:
 - 1) usljed izlaganja korisnoj vatri ili toploti radi obrade ili druge svrhe (na pr.: industrijskoj preradi, sušenju, prženju, pečenju i sl. ili usljed pada ili bacanja u ognjište (peć ili slično));
 - 2) osmudivanjuem, oprljenjem ili progorenjem od cigarete, cigare, sprave za osvjetljavanje, žeravice i sl.;
 - 3) usljed vrenja ili zagrijavanja, kuvanja, dimljenja i sl.
- (4) Osiguranjem od opasnosti požara nisu obuhvaćene štete na dimnjacima nastale u vezi sa vršenjem njihove funkcije.
- (5) Osiguranje od udara groma, u smislu ovih Uslova, pokriva štete koje na osiguranim stvarima prouzrokuje grom djelovanjem snage ili toplote, kao i štete od udara predmeta oborenih gromom.



Obim opasnosti eksplozije

Član 4.

- (1) Eksplozijom, u smislu ovih Uslova, smatra se iznenadno ispoljavanje sile zasnovane na težnji pare ili gasova za proširenjem. Eksplozija sudova pod pritiskom (kotlova, cijevi i sl.) postoji samo kada su zidovi suda u tolikoj mjeri pocijepani da nastaje trenutno izjednačavanje unutrašnjeg i spoljnog pritiska.
Ako je u unutrašnjosti suda nastala eksplozija usljed hemijskog pretvaranja, šteta koja od toga nastane na sudu pokrivena je osiguranjem i onda kada zidovi suda nisu pocijepani dok osiguranjem nisu pokrivene štete koje su posljedica smanjenja pritiska u sudu.
- (2) Osiguranjem nisu obuhvaćene:
 - 1) štete na stvarima osiguranika prouzrokovane od miniranjem koje se vrše u okviru njegove djelatnosti ili u okviru dozvoljene djelatnosti trećeg lica;
 - 2) štete na mašinama prouzrokovane od eksplozijama u prostoru za unutrašnje sagorijevanje (cilindar motora);
 - 3) štete od eksplozija koje su normalna pojava u procesu proizvodnje;
 - 4) štete od eksplozije prouzrokovane od nuklearne energije;
 - 5) štete od eksplozivnih izduvavanja iz peći i sličnih naprava;

- 6) štete od eksplozija geološkog karaktera;
- 7) štete usljed probijanja zvučnog zida;
- 8) štete od eksplozija na sudovima pod pritiskom iz stava (1) alineja 2. ovog člana usljed dotrajalosti, pojava istrošenja ili prekomjerne naslage rđe, kamenca, taloga, mulja na osiguranoj stvari, ali se naknađuje šteta na drugim stvarima u vezi sa nastalom eksplozijom.



Obim opasnosti oluje

Član 5.

- (1) Olujom u smislu ovih Uslova, smatra se vjetar brzine 17,2 m/s odnosno 62 km/sat (jačine 8 stepeni po Boforovoj skali) ili više. Smatraće se da je duvao vjetar ove brzine u kraju gdje se nalazi osigurana stvar, ako je vjetar lomio grane i stabla ili oštetio redovno održavane građevinske objekte. U slučaju sumnje, osiguranik mora dokazati brzinu vjetra izvještajem hidrometeorološke službe.
- (2) Štete od oluje obuhvaćene su osiguranjem ako su prouzrokovale mehanička oštećenja osiguranih stvari:
 - 1) neposrednim djelovanjem oluje;
 - 2) direktnim udarom oborenih ili nošenih predmeta olujom.
- (3) Osiguranjem od oluje nisu obuhvaćene štete:
 - 1) od prodiranja kiše, grada, snijega ili drugih nanosa kroz otvoren prozor ili druge otvore koji stoje na zgradi, osim ako su otvori nastali od oluje, kao i štete od kiše i drugih oborina na stvarima smještenim na slobodnom prostoru (plastovima, kamarama i sl.), u gričevima, pod nadstrešnicama i ostalim otvorenim zgradama;
 - 2) od nanošenja snijega olujom ili od težine snijega, osim ako nije bilo nepredviđenih atmosferskih padavina (član 16).



Obim opasnosti grada

Član 6.

- (1) Osiguranjem su obuhvaćene štete od uništenja, odnosno oštećenja osiguranih stvari koje prouzrokuje grad svojim udarom. Obuhvaćene su i štete od prodiranja grada i kiše kroz otvore nastale padanjem grada.



Obim opasnosti pada vazdušne letjelice

Član 7.

- (1) Padom vazdušne letjelice, u smislu ovih Uslova, smatra se pad vazdušne letjelice ako je od neposrednog udara vazdušne letjelice ili njenih djelova osigurana stvar uništena ili oštećena.



Obim opasnosti manifestacija i demonstracija

Član 8.

- (1) Manifestacijom i demonstracijom, u smislu ovih Uslova, smatra se organizovano i spontano javno ispoljavanje raspoloženja grupe građana.
- (2) Smatra se da je nastao osigurani slučaj manifestacije ili demonstracije ako je osigurana stvar uništena ili oštećena na ma koji način djelovanjem manifestanata odnosno demonstiranata (rušenje, demoliranje, razbijanje, paljenje i drugo).
- (3) Estetska oštećenja fasade osiguranog objekta, npr. ispisanim „grafitima”, po ovim Uslovima, ne smatra se osiguranim rizikom.



Obim opasnosti izlivanja vode

Član 9.

- (1) Izlivanje vode, u smislu ovih Uslova, smatra se:
 - 1) neočekivano izlivanje vode iz vodovodnih i odvodnih (kanalizacionih) cijevi i uređaja za grijanje zgrade toplom vodom i uređaja za parno grijanje i drugih uređaja i aparata koji su priključeni na vodovodnu mrežu, usljed oštećenja (loma, prskanja ili otkazivanja uređaja za upravljanje i sigurnost) tih cijevi, uređaja i aparata;
 - 2) neočekivano izbijanje pare iz uređaja za toplu vodu ili uređaja za parno grijanje.
- (2) Osiguranik je dužan da se brine o održavanju vodovodne i odvodne kanalizacione mreže, uređaju za grijanje toplom vodom i uređaju parnog grijanja, kao i njihovoj zaštiti od zamrzavanja.
- (3) Osiguranjem nisu obuhvaćene štete:

- 1) od izlivanja vode iz otvorenih slavina, kao i iz odvodnih kanalizacionih cijevi ako je šteta nastala usljed zagušenja cijevi;
- 2) od loma ili prskanja od mraza nastale na samim vodovodnim i odvodnim cijevima i uređajima;
- 3) usljed dotrajalosti, istrošenosti i korozije;
- 4) od gljivica usljed vlage;
- 5) gubitka vode i izgubljene dobiti;
- 6) nastale kao posljedica povrede dužnosti osiguranika iz stava (2) ovog člana;
- 7) od izlivanja vode iz oluka i cijevi za odvod kišnice.



Obim opasnosti klizanja tla

Član 10.

- (1) Klizanjem tla, u smislu ovih Uslova, smatraju se iznenadni pokreti zemljine površine na kosim terenima, sa jasnim manifestacijama lomova na površini tla i srozavanja koja sa pojavom jakih deformacija i širokim pukotinama na objektima nastaju u kratkom vremenskom razdoblju.
- (2) Osiguranjem od klizanja tla nisu obuhvaćene:
 - 1) štete od klizanja ako je tlo na kome se nalazi ili će se nalaziti osigurani objekt u montaži već počelo da klizi u trenutku zaključenja osiguranja;
 - 2) štete od klizanja tla uzrokovane djelatnošću čovjeka, ako nisu preduzete sve potrebne mjere zaštite, poznate u tehnici, ili kosine nisu izvedene u skladu sa projektom, kao na pr. usljed usijecanja tla bez razupiranja i sl. ;
 - 3) štete od živog pijeska, gorskog udara i zarušavanja u uskopima, niskopima, podzemnim hodnicima i jamama rudnika.
- (3) Osiguranjem nisu obuhvaćeni troškovi za saniranje tla.



Obim opasnosti odronjavanja

Član 11.

- (1) Odronjavanjem, u smislu ovih Uslova, smatra se otkidanje i pad komada fizički čvrstog materijala.
- (2) Smatra se da je nastao osigurani slučaj odronjavanja na osiguranoj stvari samo onda kada je komad fizički čvrstog materijala, koji se odronio, udario na osiguranu stvar i uništio je ili oštetio.



Obim opasnosti slijeganja tla

Član 12.

- (1) Slijeganjem tla, u smislu ovih Uslova, smatra se vertikalno slijeganje tla ispod osiguranog građevinskog objekta, koje nastaje kao posljedica nepredviđene građevinske nezgode ili geološkog uticaja.
- (2) Iz osiguranja su isključene štete od slijeganja tla:
 - 1) ako je do slijeganja tla došlo zbog toga što nije bilo prije početka gradnje ispitano s obzirom na njegovu nosivost;
 - 2) ako je do slijeganja tla došlo zbog toga što je tlo opterećeno više nego što je bilo predviđeno projektom.
- (3) Osiguranjem nisu pokriveni ni troškovi za saniranje tla.



Obim opasnosti mraza

Član 13.

- (1) Osiguranje od mraza, u smislu ovih Uslova, obuhvata štete prouzrokovane na osiguranim stvarima iznenadnim djelovanjem mraza u neočekivano vrijeme.

Obim opasnosti kretanja leda

Član 14.

- (1) Osiguranje od kretanja leda obuhvata štete koje bi bile prouzrokovane na osiguranim stvarima udarcem sante leda, ili pritiskom nagomilanih santi leda.
- (2) Štete od miniranja leda nisu obuhvaćene osiguranjem.



Obim opasnosti sniježne lavine

Član 15.

- (1) Sniježnom lavinom, u smislu ovih Uslova, smatra se sniježna masa u pokretu koja se otkida sa planinskih strana.
- (2) Osiguranjem su obuhvaćene štete prouzrokovane djelovanjem vazdušnog pritiska od sniježne lavine.



Obim opasnosti nepredviđenih atmosferskih padavina

Član 16.

- (1) Nepredviđenim padavinama, u smislu ovih Uslova, smatraju se kiša i snijeg, koji svojim mehaničkim djelovanjem ili težinom prouzrokuju štetu na građevinskom objektu u montaži.
- (2) Za nepredviđenu kišu smatra se ona, ako je na objektu u montaži i vremenu od jednog sata palo najmanje 15 mm ili 15 l kiše na 1 m². U slučaju sumnje osiguranik mora dokazati količinu kiše izvještajem najbliže hidrometeorološke stanice.
- (3) Za nepredviđeni snijeg smatra se onaj ako je u jednom padanju njegova težina po m² najmanje 150 kg i onaj koji padne od 15. marta do 15. novembra kalendarske godine i ako je njegova debljina najmanje 20 cm. U slučaju sumnje osiguranik mora dokazati njegovu težinu ili debljinu.
- (4) Osiguranje ne pokriva štete:
 - 1) ako kiša ili snijeg prodre kroz nezaštićene otvore na objektu;
 - 2) na stvarima iz stava (1) i (2), člana 1. ovih Uslova koje su namijenjene za ugradnju u osigurani objekat u montaži, a koje se nalaze na otvorenom nezaštićenom prostoru.

Obim opasnosti udara motornog vozila, prikolice, radne mašine, pada osigurane stvari, udara ili pada drugog predmeta na ili u osiguranu stvar

Član 17.

- (1) Osiguranjem su obuhvaćene štete od udara motornog vozila, prikolice, radne mašine, pada osigurane stvari, udara ili pada drugog predmeta na (ili) u osiguranu stvar.



Obim opasnosti nepredviđene montažne nezgode

Član 18.

- (1) Montažnom nezgodom, u smislu ovih Uslova, smatra se nepredviđen, od volje izvođača radova nezavisan događaj, koji djeluje brzo i za posljedicu ima uništenje ili oštećenje osiguranih stvari zbog: greške u tehničko-računskom proračunu, zbog greške u konstrukciji i livenju, zbog greške u materijalu, greške učinjene u radionici ili pri izvođenju montaže, kidanje užeta ili lanca, ulijeganja, pomicanja ili loma montažne opreme; greška pri prenosu ili prevozu na području mjesta montaže; nezgoda za vrijeme probnog opterećenja ili probnog progona.
- (2) Ako se pokaže da određen i pravilno izvršen tehničko-računski proračun i konstrukcije i/ili izabran ispravan materijal ne odgovaraju zahtjevima pogona, usljed čega dolazi do prevremene istrošenosti, takva šteta neće biti nadoknađena; međutim, biće nadoknađena posljednja šteta na drugim osiguranim stvarima od uništenja ili oštećenja koja bi time bila prouzrokovana.
- (3) Ne naknađuju se troškovi za otklanjanje samih uzroka štete zbog greške u tehničko-računskom proračunu, konstrukciji, greške u materijalu i livenju, kao i izvođenju montaže.
- (4) Probim opterećenjem ili probnim pogonom, u smislu ovih Uslova, smatra se stavljanje mašine ili postrojenja u pogon posle završene montaže radi tehničkog ispitivanja pravilnosti montaže.
- (5) Montažna nezgoda smatra se nepredviđenom ako je izvođač radova, s obzirom na tehničko znanje i mogućnosti tehnike, nije mogao, niti je bio dužan predvidjeti.
- (6) Ne smatra se da je nastupila osigurana montažna nezgoda ako je objekat u montaži izveden protivno ugovoru o montaži ili nekvalitetno, odnosno ako je upotrijebljen neodgovarajući materijal. Ne smatraju se nepredviđenim nezgodama u montaži i štete koje nastaju zbog: povrede opšte priznatih pravila tehnike; povrede tehničkih propisa, uputstava, normativa, standarda ili odredaba tehničke inspekcije; propusta u potrebnim mjerama zaštite; naloga tehničke inspekcije; normalnih uticaja vremenskih prilika s kojima se moralo računati prema godišnjem dobu, mjesnim i uobičajenim prilikama i primjene takvih postupaka, načina rada, konstrukcije materijala koje još nije isprobala ili ispitala i odobrila ovlašćena organizacija ili tehnička inspekcija.
- (7) Ako u toku radova na montaži osiguranog objekta ili poslije završenih radova osiguranik sazna da je došlo do neke prikrivene ili vidljive greške u tehničko-računskom proračunu, konstrukciji ili materijalu – koja bi mogla izazvati oštećenje ili uništenje objekta – dužan je o svom trošku da obavi sanaciju ili obnovi djelove objekta na kojima bi moglo doći do oštećenja. Ako osiguranik ne sprovede potrebnu sanaciju ili obnovu u smislu odredbe ovog stava, a osigurana se opasnost ostvari kao posljedica tih grešaka, on gubi pravo na naknadu iz osiguranja.



Obim opasnosti nespretnosti, nehata ili zle namjere radnika ili nekog drugog lica

Član 19.

- (1) Osiguranjem su obuhvaćene opasnosti nespretnosti, nehata ili zle namjere radnika ili nekog drugog lica.



Obim opasnosti provalne krađe i krađe

Član 20.

- (1) Obim opasnosti provalne krađe i obične krađe određuje se prema Uslovima za osiguranje od opasnosti provalne krađe i razbojništva, ako nisu u suprotnosti sa ovim Uslovima.
- (2) Osiguranje pokriva i štete usljed provalne krađe nemontirane montažne opreme i ostalog materijala koji je namijenjen za ugradnju u osigurani objekat u montaži, kao i štete od obične krađe, ako su taj materijal i oprema već ugrađeni u objekat u montaži.



Obim opasnosti poplave i bujice, visoke i podzemne vode

Član 21.

- (1) Poplavom, u smislu ovih Uslova, smatra se stihijsko neočekivano plavljenje terena od stalnih voda (rijeka, jezera, mora i sl.) usljed toga što se je voda izlila iz korita ili provalila odbrambeni nasip ili branu, izlivanja vode usljed izvanredno visoke plime i talasa na moru i jezerima neobične jačine, i od nadolaženja vode iz vještačkih jezera.
- (2) Poplavom se smatra i neočekivano plavljenje terena usljed naglog obrazovanja velike količine vodene mase koja nastane kao posljedica provale oblaka.
- (3) Bujicom se smatra stihijsko neočekivano plavljenje terena vodenom masom koja se obrazuje na nizbrdnim terenima usljed jakih atmosferskih padavina i sliva ulicama i putevima.
- (4) Osiguranjem od poplave obuhvaćene su samo štete prouzrokovane na osiguranim stvarima za vrijeme dok poplava traje i neposredno poslije povlačenja vode.
- (5) Osiguranjem nisu obuhvaćene:
 - 1) štete s vodne strane na cijevovodima i hidromontažnoj opremi prouzrokovane mehaničkim djelovanjem vode;
 - 2) štete od gljivica usljed vlage;
 - 3) štete od slijeganja tla kao posljedica poplave i bujice;
 - 4) štete od plavljenja vode izlivenih iz kanalizacione mreže;
 - 5) štete na stvarima smještenim u živim i suvim koritima potoka i rijeka, kao i na prostoru između potoka odnosno rijeka i nasipa (inundaciono područje), osim ako se posebno ne ugovori.
- (6) Osiguranjem nisu obuhvaćene štete na hidromontažnoj opremi koja se montira na hidrograđevinske objekte usljed podlokanja sa spoljne strane, a na cijevovodima i hidromontažnoj opremi i štete usljed pritiska prouzrokovanog poplavom u smislu prethodnog stava ovog člana, ukoliko se drugačije ne ugovori.
- (7) Visokom vodom, u smislu ovih Uslova, smatra se izuzetna pojava neuobičajenog porasta vodostaja i u neočekivano vrijeme.
- (8) Obaveza osiguravača za štete od visoke vode počinje s porastom visoke vode iznad unaprijed utvrđenih mjesečnih kota vodostaja ili protoka izmjerenih na mjestu montaže prema najbliže postavljenom pokazivaču vodostaja.
- (9) Za svaki pojedini mjesec normalan je onaj najviši vodostaj za posljednjih 20 godina koji pokazuje pokazivač vodostaja najbliži mjestu montaže, a na koji ne utiču radovi koji se izvode uz isključenje izuzetno visokih vodostaja.
- (10) Kod zaključenja osiguranja potrebno je prethodno na mjestu montaže u smislu stava (2) i (3) ovog člana utvrditi od koje visine vode nastupa obaveza osiguravača. Ova granica se navodi u polisi i označava na vidnom mjestu na terenu.
- (11) Podzemnom vodom, u smislu ovih Uslova, smatra se neočekivani prodor vode u građevinsku jamu odnosno u objekat u montaži.
- (12) Obaveza osiguravača za štete od podzemne vode prestaje:
 - 1) ako kod montaže objekta u neposrednoj blizini stalnih voda nisu prethodno sprovedene odgovarajuće tehničke mjere zaštite;
 - 2) ako kod izvođenja montaže u tunnelima, rovovima i sličnim građevinskim objektima ne postoji dovoljan broj pripremljenih ispravnih vodnih pumpi za crpljenje podzemne vode čiji dotok podzemne vode se prema podacima iz prethodnog hidro-geološkog ispitivanja terena, odnosno prema stručnim pretpostavkama u projektu, smatra za normalan.



Obim opasnosti zemljotresa

Član 22.

- (1) Osiguranjem su obuhvaćene štete od zemljotresa samo na područjima društveno-političkih zajednica koje su zakonom propisale obavezno osiguranje od tog rizika.

- (2) Obim štete od zemljotresa, utvrđuje se Posebnim uslovima za osiguranje imovine od opasnosti zemljotresa, u skladu sa važećim zakonskim propisima u vezi sa osiguranjem od zemljotresa.
- (3) Zemljotres mora biti seizmografski registrovan.



Obim opasnosti od odgovornosti izvođača montažnih radova za štete prouzrokovane trećim licima

Član 23.

- (1) Obim opasnosti od odgovornosti izvođača montažnih radova utvrđuje se prema Uslovima za osiguranje odgovornosti ukoliko nisu u suprotnosti sa ovim Uslovima.
- (2) Ako je osiguran dio montažnog objekta ili pojedini, montažni radovi, osiguranje od odgovornosti izvođača montažnih radova ne pokriva štete na ostalim djelovima tog montažnog objekta ili ostalim montažnim radovima, koji nisu osigurani, odnosno koji su osigurani drugom polisom.
- (3) Osiguravač je u obavezi kod osiguranja od odgovornosti izvođača montažnih radova do sume osiguranja po događaju, koja je navedena u polisi.



Obim opasnosti od ugovorne odgovornosti izvođača montažnih radova

Član 24.

- (1) Osiguranje ugovorne odgovornosti izvođača montažnih radova pokriva štetu kojoj je izvor ugovorna odgovornost zbog uništenja ili oštećenja osiguranog montažnog objekta u garantnom roku i čiji je uzrok izvora nastupio prije početka garantnog roka.
- (2) Osiguravač nije ni u kom slučaju obavezan za štete koje imaju za posljedicu razne estetske greške, kao i nefunkcionalnosti svake vrste.

Vrijednost osigurane stvari

Član 25.

- (1) Vrijednost osigurane stvari čini:
 - 1) za montažne objekte stvarna cijena montažnog objekta;
 - 2) za metalne konstrukcije, mašine, mašinsku i elektro opremu, instalacije i aparate – nabavna cijena nove stvari;
 - 3) za montažnu opremu – nabavna cijena nove stvari umanjena za iznos procijenjene istrošenosti, ako nije drugačije ugovoreno;
 - 4) za pomoćne objekte, stacionirana plovna vozila (čamci, splavovi i pontoni), pomoćni materijal za izvođenje montaže u upotrebi koji koriste za montažu osiguranog montažnog objekta – nabavna cijena tih stvari umanjena za iznos procijenjene istrošenosti;
 - 5) za montažne objekte metalne konstrukcije, mašine, mašinsku i elektro opremu, instalacije i aparate koji su bili u upotrebi – nabavna cijena tih stvari umanjena za iznos procijenjene istrošenosti, ako nije drugačije ugovoreno.

Zaključenje ugovora o osiguranju

Član 26.

- (1) Osiguranje montaže može zaključiti investitor ili izvođač radova, odnosno svaki posebno za onaj dio za koji ima imovinski interes ili ugovornu obavezu, da spovede osiguranje od odgovarajućih, ugovorom predviđenih opasnosti.

Mjesto osiguranja

Član 27.

- (1) Mjesto osiguranja je područje gdje se obavlja montaža sa priručnim skladištima koja služe isključivo osiguranom objektu u montaži, ako nije drugačije ugovoreno.

Utvrđivanje naknade iz osiguranja

Član 28.

- (1) Visina naknade iz osiguranja utvrđuje se:

- 1) u slučaju uništenja – prema vrijednosti osigurane stvari (član 25) u vrijeme nastanka osiguranog slučaja, umanjenoj za vrijednost ostatka;
- 2) u slučaju oštećenja – u visini troškova potrebnih za vraćanje u stanje prije oštećenja po cijenama materijala i rada iz ugovora između investitora i izvođača radova, umanjениh za vrijednost ostatka. U trošak popravke uračunavaju se i troškovi demontaže i prevoza.
- (2) Veći troškovi za prekovremeni rad, noćni rad i rad u vrijeme praznika naknađuju se samo ako je to izričito ugovoreno.
- (3) Ne naknađuju se veći troškovi opravke za radove koji nisu bili predviđeni projektom: veći troškovi zbog učinjenih poboljšanja, proširenja ili usavršavanja u odnosu na stanje prije nastanka osiguranog slučaja, kao i zbog potrebnih pojačanja u vezi sa izmjenom tehničko-računskih elemenata proračuna, čak ni kad su ti troškovi prouzrokovani nastankom osiguranog slučaja.
- (4) Ostaci uništenih ili oštećenih stvari ostaju osiguraniku i obračunavaju se po vrijednosti na dan nastanka osiguranog slučaja, a prema stanju u kakvom su bili odmah posle osiguranog slučaja.
- (5) Smatra se da je stvar uništena i šteta se obračunava prema stavu (1) alineiji 1) ovog člana ako troškovi opravke dostižu vrijednost stvari, umanjenu za vrijednost ostatka na dan osiguranog slučaja.
- (6) U svakom ostvarenom osiguranom slučaju obračunata premija se umanjuje za 10% (franšiza) ako nije drugačije ugovoreno, osim kod odgovornosti izvođača montažnih radova, gdje se ne primjenjuje franšiza.
- (7) Osiguranjem su obuhvaćene samo one štete koje se u trenutku montažne nezgode dogode na samom osiguranom objektu u montaži ili u granicama predviđenog i odobrenog projekta tog osiguranog objekta. Štete prouzrokovane izvan granica tako projektovanog objekta ne ulaze u obavezu osiguravača.
- (8) Zaključenjem ugovora o osiguranju objekta u montaži, ne oslobađaju se međusobnih obaveza investitor i izvođač radova, koje oni imaju jedan prema drugome, na osnovu ugovora o montaži i na osnovu tehničkih uputstava, predmjera, cjenovnika radova i ostalih propisa koji čine sastavni dio njihovog međusobnog ugovora o montaži.
- (9) Ako su stvari osigurane na „prvi rizik” od opasnosti čijim ostvarenjem nastane šteta, naknada će se izvršiti u visini nastale štete, a najviše do ugovorene sume osiguranja na „prvi rizik”. Odredbe o podosiguranju u ovom slučaju neće se primjenjivati.



Naknada troškova

Član 29.

- (1) Na ime troškova za raščišćavanje i rušenje u vezi sa nastalim osiguranim slučajem, osiguravač naknađuje neophodne izdatke za raščišćavanje i čišćenje ostatka osigurane oštećene stvari, ali najviše do 3% od vrijednosti osigurane stvari pogodne štetom. U troškove rušenja ulaze neophodni troškovi koje ugovarač osiguranja ima poslije nastanka osiguranog slučaja za rušenje preostalih neupotrebljivih djelova i njihovo odnošenje do najbližeg mjesta dozvoljenog istovara.
- (2) Osiguravač naknađuje troškove koje je osiguranik imao kad je osigurani slučaj nastao za mjere preduzete radi otklanjanja i smanjenja štete, pa i onda kada te mjere nisu bile uspješne.
- (3) Osiguravač nije u obavezi da naknadi troškove prouzrokovane otklanjanjem uzroka štete, kao i troškove intervencije vatrogasnog društva ili drugih organizacija čija je dužnost, prema karakteru poslovanja, da pružaju besplatnu pomoć kada nastane osigurani slučaj.



Početak i prestanak obaveze osiguravača

Član 30.

- (1) Obaveza osiguravača počinje od trenutka kad osigurane stvari budu istovarene na mjestu montaže, ali ne prije nego što je to predviđeno u Opštim uslovima za osiguranje imovine.
- (2) Obaveza osiguravača prestaje:
 - 1) za objekat u montaži ili njegove djelove koji se mogu samostalno upotrebljavati – onoga dana kada je izvršen tehnički prijem izvedenih radova i o tome sastavljen zapisnik sa prijedlogom za izdavanje dozvole za upotrebu;
 - 2) obaveza osiguravača u svakom slučaju prestaje onoga dana kada se montirani objekat počne upotrebljavati, iako nije izvršen tehnički prijem, odnosno izdata dozvola za upotrebu. Ako se bez prethodnog tehničkog prijema i dozvole za upotrebu počeo upotrebljavati samo dio objekta u montaži, onda osiguranje prestaje važiti za taj dio.
 - 3) za montažnu opremu – onog dana kad napusti mjesto montaže, a najkasnije tridesetog dana pošto prestane osiguranje izvedenog građevinskog objekta u montaži.
- (3) Ako objekat u montaži nije završen do roka označenog pri zaključenju ugovora o osiguranju, osiguranik mora da traži produženje osiguranja (samostalno ili na osnovu obavještenja upozorenja osiguravača), s tim da se ukupna premija za trajanje osiguranja obračuna u skladu sa tarifom premija.
- (4) Probno opterećenje ili probni pogon prema ovim Uslovima, smatra se dijelom montaže i traje najviše dva mjeseca, dok se pri dužem trajanju obračunava dodatna premija u skladu sa tarifom premije.



Osnova za obračun premije

Član 31.

- (1) Ako se ugovori osiguranje na stvarnu vrijednost, premija se računa unaprijed od ukupne vrijednosti objekta prema ugovorenoj cijeni, računajući od početka osiguranja pa, do dana koji se predviđa kao završetak objekta u montaži. Konačni iznos premije utvrđuje se od konačne vrijednosti objekta u montaži i stvarnog vremena trajanja montaže.
- (2) Ako se ugovori osiguranje sa fiksnom sumom osiguranja, premija se obračunava od te sume. U ovom slučaju se primjenjuje „načelo proporcije”.
- (3) Ako ugovarač osiguranja unaprijed prijavi mirovanje radova odnosno konzervaciju objekta visokogradnje priznaje, se popust na premiju za osnovne opasnosti i odgovornosti izvođača radova na osnovu dodatka polisi.

Ograničenje obaveze po osnovu drugih osiguranja

Član 32.

- (1) Ako je osiguranik zaključio i koje drugo osiguranje za stvari osigurane po ovim Uslovima u slučaju štete, naknada će se platiti po osnovu tih drugih osiguranja. Iz osnova osiguranja objekata u montaži naknada će se isplatiti samo onda ako pokriće po tim drugim osiguranjima nije bilo dovoljno, i to do iznosa nepokrivenog dijela štete.

Važnost Opštih uslova za osiguranje imovine

Član 33.

- (1) Ako nisu u suprotnosti sa ovim Uslovima, na osiguranja zaključena po ovim Uslovima primjenjuju se i Opšti uslovi za osiguranje imovine.

Datum početka primjene 27.02.2008. godine.